



REPUBLIKA Y'U RWANDA

National Commission for the Fight against Genocide

Commission Nationale de Lutte contre le Génocide

Komisiyo y'Igihugu yo Kurwanya Jenocide

-CNLG-



14 MARS 2019

Kigali,

N°...../CNLG/SE

0326/191

Ubutumwa bugenewe urubwiruko ku muni w'umuganda 30/3/2019

Uyu muni tariki ya 30 Werurwe 2019, mu Turere twose tw'Urwanda urubyuruko rwakoze umuganda udasanzwe nk'igikorwa gitegura Kwibuka25 Jenocide yakorewe Abatutsi.

Hashize imyaka 25 Abatutsi barenga miliyoni bishwe, ari nako buri mwaka tubibuka, kugira ngo tubasubize agaciro bambuwe muri Jenocide.

Uyu mwaka muri gahunda zitegura Kwibuka ku nshuro ya 25 Jenocide yakorewe Abatutsi, hateguwe gahunda zigenewe urubwiruko, kuko abenshi muri rwo batazi Jenocide, n'amateka yayo mabi.

Igikorwa cy'umuganda cyakorewe ku nzibutso za Jenocide, aho urubwiruko rwakoze ibikorwa byo kuzisukura, kuko ariho imibiri y'abishwe ishyingwe mu cyubahiro.

Urwibutso ni ahantu hashyngwe abacu, ababyeyi, abavandimwe inshuti bishwe nabi kubera ubuyobozi bubi. Kugira ngo Jenocide ibeho hagomba umugambi uyitegura, umugambi wo kurimbura bose cyangwa igice cy'abantu bahuriye ku bwenehugu, ubwoko, ibara ry'uruho, idini.

Jenocide yakorewe Abatutsi yari ishingiyeye ku mugambi wo kurimbura Abatutsi, nti hagire usigara wo kuzabara inkuru ku byabaye.

Guhera mu ijoro ryo ku wa 6 Mata kugera muri Nyakanga 1994, Abatutsi barenga miliyoni barishwe, impinja, abana, abagore, abagabo, abasaza n'abakecuru bicwa urw'agashinyaguro.

Nyamara, umugambi wo kurimbura Abatutsi ntiwasojwe wose, kuko ingabo za FPR-Inkotanyi zarwanye intambara yo kubohora Igihugu no guhagarika Jenocide kandi zirayitsinda. Uko umusirikari w'inkotanyi yarasaga umwanzi, niko yarwanaga

P.O. Box: 7035 Kigali – Hotline: 3560

E-mail: administrator@cnlg.gov.rw – Web site: www.cnlg.gov.rw

idb

ashaka kurokora Abatutsi bari bugarijwe n'abicanyi. Ibi ni ubutwari bw'indashyikirwa tuzahora dushimira Inkotanyi n'Umugaba Mukuru w'Ingabo, Nyakubahwa Paul Kagame wayoboye urugamba rwo kubohora Igihugu akarutsinda.

Politiki mbi ishingiyeye kw'ivangura yoretse Urwanda, himikwa ingengabitekerzo ya Jenocide, isenya ubumwe b'Abanyarwanda. Abateguye Jenocide bakayishyira mu bikorwa ntibifuzaga ko habaho ahantu hakwiye ho gushyingura abicwaga muri Jenocide, kuko babishe bakabajugunya mu byobo, ndetse hari n'abataraboneka kugeza ubu.

Umuganda nk'uyu ni igikorwa kiri ku mutima urubwiruko ruhagarariye abandi benshi batashoboye gukora uyu muganda. Uyu muganda ugamije gukomeza ipfundo hagati y'ababyeyi bacu, abavandimwe baruhukiye hano, no kwishakamo imbaraga kugira ngo twiyemeze ko Jenocide yakorewe Abatutsi itazongera kubaho ukundi, haba mu Rwanda cyangwa se ahandi ku isi.

Haraza kubaho ikiganiro ku mateka ya Jenocide yakorewe Abatutsi, ingamba urubwiruko rufite mu kubungabunga amateka yacu, no kwiyemeza kubaka ejo heza hacu twifuza.

Urubwiruko rurasabwa kwitabira gahunda zo kwibuka zateguwe, haba gukurikirana ibiganiro ku rwego rw'Umudugudu, kwibuka tariki ya 7/4/2019, Walk to remember, no gusura inzibutso zegereye aho rutuye.

"KWIBUKA TWIYUBAKA"

